




- rebeluu:** (*rebel`uu*)
rebeluu a rechad er a beluu.
- reberebekall:** (*reberebek`all*)
reberebekall a kirel el
mereberebek; merreuaech el osiik
er ngii.
- reberebekel:** (*reberebek`el*)
reberebekel a omereberebek er
ngii; mereberebek.
- reberebokel:** (*rebereb`okel*)
reberebokel a rereuchel kung; ko
er a moeau a rengul; di ruterurech
a klalo; beot el oriid a kloleklel.
- rebet:** (*r`ebet*)
rebet a ruebet; imiit er a kerrekar;
rebetel, ngmill.
- rebetel:** (*rebet`el*)
rebetel a rebet er ngii; ruebet.
- rebetii:** (*rebet`ii*)
rebetii a ta er a bedengel a
chelitakl, ourebetii a mengitakl a
mo er a klsau.
- rebetok:** (*rebet`ok*)
rebetok a betok, rebetok el ngalek;
rebetok el chad.
- rebil:** (*r`ebil*) (1)
rebil a rebai er ngii el blai.
- rebil:** (*reb`il*) (2)
rebil a dechil; smecher a ourebai
er a blai.
- reboreb:** (*reb`oreb*)
reboreb a ulekdereboreb a ochil;
delengcheklel a sechal;
dereberebel.
- rebotel:** (*reb`otel*)
rebotel a ta er a bedengel a
kerrekar el kall a redechel.
- reched:** (*r`eched*)
reched a mereched; orechedii el
mei, oreched a tekoi el mong;
rechedel.
- rechedel:** (*reched`el*) (1)
rechedel a rached er ngii; rechedel
a tolechoi.
- rechedel:** (*reched`el*) (2)
rechedel a reched er ngii;
mereched a chimal; merechereched.
- rechel:** (*rech`el*)
rechel a kloklel; diak el bleketakl
el kmo, ng ngerang.
- rechelel:** (*rechel`el*)
rechelel a rachel er ngii el kerrekar.
- recherached:** (*recher`ached*)
recherached a kngtil a tekoi; meknjit
er a ues me a orenge; terached,
merecherached er a reng; recherechedel.
- recherechall:** (*recherech`all*)
recherechall a recheruchel; kirel
el merechorech; babii a recherechall.
- recherechedel:** (*rechereched`el*)
recherechedel a recherached er
ngii; merecherached a renguk.
- recherechel:** (*recherech`el*)
recherechel a rechorech er ngii el
chad; merechorech.
- recheruchel:** (*recher`uchel*)
recheruchel a recherechall.
- rechiiil:** (*rech`iil*)
rechiiil a ta er a bedengel a cheled.
- rechorech:** (*rech`orech*)
rechorech a merechorech; berrotel
el melai a diak el kloleklel;
rucherechii a udoud; ruchorech a
kall; recherechel.
- rechul:** (*rech`ul*)
rechul a omerech er ngii; rochur
a bliil a smecher.
- rechull:** (*rech`ull*)
rechull a ta er a bedengel a cheled.
- rechuul:** (*rech`uul*)
rechuul a kirel el merech; udesuall,
siokel a rokel, rochur a bliil a
melekdik a delengchokl; rechuul a
delengcheklel.
- redil:** (*red`il*) (1)
redil a merad er ngii, redil a kebui.
- redil:** (*red`il*) (2)
redil a chad el diak el sechal; redil
er a Belau a meduch el mengitakl
e meloik
- reek:** (*r`eek*)
reek a orreek; beab a merereek;
rekel a eolt me a chull; merechorech
a merereek er a blai.





reer

reer: (*r`eer*)

reer a tekangel; diak el orrenges a tekoi; bliil a ngerroel el ngalek a mo reer.

rekas: (*rek`as*)

rekas a llkolk; mekerei el charm el omangch.

rekau: (*rek`au*)

rekau a ta er a klekedall er a mlai er a daob.

rekdel: (*rekd`el*)

rekdel a secherel; meringel el rakd.

reked: (*r`eked*)

reked a ta er a bedengel a ngikel.

rekekl: (*rek`ekl*)

rekekl a tautedi; ktekudel el duubech; meluduus el mekemad; rengelbechull a kldmoki el kirel a rekekl.

rekel: (*r`ekel*) (2)

rekel a merereek; rerekel a beab.

rekel: (*rek`el*) (1)

rekel a mark; rekel a tuu; mark el bobai; merekang.

Rekemesik: (*rek`emesik*)

Rekemesik a kebekuul; dial a bdelul a beluu er a Ngatbang.

rekereked: (*reker`eked*) (1)

rekereked a ta er a bedengel a ngikel.

rekereked: (*reker`eked*) (2)

rekereked a soal el bereked a diak le kirel el tekoi; berekereked a urrereir a rechad e cheloit a urrereel.

rekerekemel: (*rek`erekemel*)

rekerekemel a rekerukem er ngii; merekerukem.

rekerukem: (*reker`ukem*)

rekerukem a merekerukem; merreturech er a blai; rekerekemel a ulaol; teltelechel a belatong me a klalo a rekerukem.

rekesengel: (*rekeseng`el*)

rekesengel a rekos er ngii; ilumel a ungil a rekesengel.

rekiaol: (*reki`aol*)

rekiaol a kirel el merekui; urreor a di rekiaol kung; mochu merek.

rekil: (*rek`il*)

rekil a rak er ngii; ildisel a rak el le ngar; tela rekil a ngelekem?

rekill: (*rek`ill*)

rekill a kirel el mengakr; ngeliokl a rekill; merakl, ngmakr a ngeliokl; mla mengakr.

Reklai: (*rekl`ai*)

Reklai a Kebekuul, dial a bdelul a beluu er a Melekeok; merreder er a Bitalianged.

rekle: (*rekl`el*)

reklel a reacl er ngii.

rekodellel: (*rek`odellel*)

rekodellel a rekodoll er ngii el dil.

rekodoll: (*rekod`oll*)

rekodoll a mesisiich el besebes el usbechall er a omerasm el bail; rekodellel.

reko: (*rek`oi*)

reko a klekedall er a bai.

rekomel: (*rek`omel*)

rekomel a kirel el merukem; rukemii a bachel; ruukem a \$100.00 el mo ders \$1.00; rekemel.

rekos: (*rek`os*)

rekos a merekos; rekos er a sukal me a ilaot; rekesengel.

rekung: (*rek`ung*)

rekung a charm el mekekerei er a chemang; kakum.

remad: (*rem`ad*)

remad a merad; melai a bung, remad a kar; rodir a kebui, rdil.

remakl: (*rem`akl*)

remakl a merakl; melai a kukau me a diokang er a olekang; remakl a ngeliokl.

remaud: (*rem`aud*)

remaud a meraud; melelosem; remaud a chelais; rudel a chelais.

remech: (*rem`ech*)

remech a merech; sumechokl; smiik a roel el mo ungil; mdsu, remech a bliil a klalo; rochur a oba smecher; rechul.



- remechakl:** (*remech`akl*)
remechakl a ta er a bedengel a omenged; ouremechakl.
- remechall:** (*remech`all*)
remechall a remochel; kirel el meremech; omeseos, lius a remechall; ngeuul a disech er ngii; remechel.
- remechebuul:** (*remecheb`uul*)
remechebuul a betok el chad el chebuul; ngar er eou el chad el mengebuul, chelebuul.
- remechel:** (*remech`el*)
remechel a omeremech er ngii, meremech; omeseos.
- remei:** (*rem`ei*)
remei a lmuut el mo er a blii; remei er a blirir.
- remenged:** (*rem`enged*)
remenged a merenged; melechet, melemosem, remenged a chebechiil; rongedii, rengedel.
- remenges:** (*rem`enges*)
remenges a orrengees; oderengesel a tekoi; remenges a derremkel a mlai; remenges e mo medengei.
- remere mochel:** (*remere m`ochel*)
remere mochel a kmal medakd; remere motel er a dakd.
- remere motel:** (*remere m`otel*)
remere motel a remere mochel.
- remesall:** (*remes`all*)
remesall a kirel el merumes; kukau a remesall; rumesii, ruumes.
- remesel:** (*remes`el*)
remesel a rames er ngii, ruames.
- remeteet:** (*remet`eet*)
remeteet a meteet; rechad er a meteet el kebliil, blai; rechad el ngar a kingall er a omerreder.
- remiang:** (*remi`ang*)
remiang a ta er a bedengel a dellomel.
- remiid:** (*rem`iid*)
remiid a mla mo dibus; riiedang, mrael mla cheroid, mla remiid a udoud, oridii, oriid, rureulngau.
- remiik:** (*rem`iik*) (1)
remiik a meriik; remiik a besbas.
- remiik:** (*rem`iik*) (2)
remiik a omes el mo e mei; remiik a mederir a rechad; remiik a ngesonges el belduchel.
- reminget:** (*rem`inget*)
reminget a meringet; reminget a kall, ringetii a chemelel.
- remiso:** (*rem`iso*)
remiso a melubs el olab a ralm; meriso a ochil; risouii; melatech.
- remodech:** (*rem`odech*) (1)
remodech a merodech, mla remodech a merangd el osiik a ngikel.
- remodech:** (*rem`odech*) (2)
remodech a merodech; ngii di lolekoi.
- remodel:** (*rem`odel*)
remodel a merodel; mla rodellii a ngeliokl; remodel a klengoes; choroid er a ingukl; rdelel.
- remolii:** (*remol`ii*)
remolii a mla mrael er ngii; mla remolii a cheroid.
- remos:** (*rem`os*)
remos a rusors er a daob me a ralm; ngalek a mla remos, rosengang.
- remot:** (*rem`ot*)
remot a merot; merusech, merot a deel, rotengii, rtengel.
- remotel:** (*rem`otel*)
remotel a kirel meremet; rometii, ruemet a belsiich; brak a remotel; remetel.
- remouk:** (*rem`ouk*)
remouk a medakd; rouk er a klou el bilis; rukel er a bilis.
- remous:** (*rem`ous*)
remous a merous; merukel, mla remous a kall er a blengur, remous a terekill; rusel a terekill.
- remul:** (*rem`ul*)
remul a omeram er ngii; meram a beras er a sukal.



remurt

remurt: (*rem`urt*)

remurt a kolekel; kaikerurt;
rengalek a remurt er a rael;
kaiderurt; rurt.

remus: (*rem`us*) (1)

remus a merus el oba orus; remus
a betok el ngikel, rusur, rsul.

remus: (*rem`us*) (2)

remus a merech; osiik a roel.

remus: (*rem`us*) (3)

remus a meduu el ourodech er a
dairrak; rodech er a diak el sim a
remus.

remusech: (*rem`usech*)

remusech a merusech, ke mla
remusech a belsiich? rusechii,
rsechel a blsiich.

remutech: (*rem`utech*)

remutech a merutech; mereked a
chim; toktang a mla remutech a
bedengel a smecher;
rtechel.

remuu: (*rem`uu*)

remuu a melai a rirebet; mla
remuu a lius; rouar a iedel; rual.

remuul: (*rem`uul*) (1)

remuul a meruul; mla remuul a
kall, rullii, siungii a kall; rellel.

remuul: (*rem`uul*) (2)

remuul a kirel meram; kirel el
modak, romur, ruam, kall a
remuul er a sukal, remul a kall.

reng: (*r`eng*) (1)

reng a tebechelel a chad; reng a
omesiur er a chad; rengul,
rengelngalek.

reng: (*r`eng*) (2)

reng a rengul a kesol el mo chilt;
rengul a diokang el kall,
rengul a ngais.

rengall: (*reng`all*)

rengall a reongel; kirel el mereu,
mengai a klemanget me a teu.

renged: (*r`enged*) (1)

renged a lechet; omak, rengedel
a klalo, renged er a chebechiil;
rongedii, remenged.

renged: (*r`enged*) (2)

renged a derdall el beluu; rengedel
a Melekeok a Ngeburech;
Ngerchemai a rengedel a Oreor.

rengedel: (*renged`el*)

rengedel a renged er ngii.

rengel: (*reng`el*) (1)

rengel a rongel; rou er ngii; rengel
a sils er a tutau.

rengel: (*reng`el*) (2)

rengel a omereu er ngii; mereu.

rengetall: (*renged`all*)

rengetall a kirel el meringet;
ringetii a kall, rengotel, reminget;
rengedel.

rengotel: (*renged`el*)

rengotel a omeringet er ngii; meringet.

rengodel: (*reng`odel*)

rengodel a kirel el merenged;
rongedii a chebechiil, ungil el
deleongel er a Merikel me a Belau
a rengodel; rengedel.

rengotel: (*reng`otel*)

rengotel a rengetall; ringetall.

rengrir: (*reng`ir*)

rengrir a reng er tir.

rengsall: (*rengs`all*)

rengsall a kirel merenguus;
mekedelial el chui a rengsall,
rungguus, rengsel.

rengsel: (*rengs`el*)

rengsel a omerenguus er
ngii;rungsii, merenguus.

renguk: (*reng`uk*)

renguk a reng er ngak.

rengul: (*reng`ul*)

rengul a reng er ngii.

Rengulbai: (*rengulb`ai*)

Rengulbai a kebekuul; dial a
bdelul a beluu er a Imeliik.


renguokl: (*rengu`okl*)

renguokl a tebtbull el el dubech
er a klidm.

reongel: (*re`ongel*)

reongel a rengall; mereu el osiik
a klemanget me a teu; meluk el
oba omereu; rrengel.





rereek: (rer`eek) (1)
rereek a mekekerei el charem el ko er a rekung el ngar er a chelebacheb me a keburs.

rereek: (rer`eek) (2)
rereek a cherrodech: merereek.

rerekel: (rerek`el)
rerekel a rekel; rereek er ngii; merereek.

rereuchel: (rere`uchel)
rereuchel a orrechereched; meselsel el mendedmokl; rereuchel el kirel a klechedaol.

rtel: (rert`el)
rtel a rurt er ngii; remurt.

resel: (res`el)
resel a ears er ngii; ears er a mlai er a daob.

resimel: (res`imel)
resimel a mla merasm; rrekui.

resmel: (resm`el)
resmel a omerasm er ngii; merasm.

riamel: (ri`amel) (1)
riamel a ta er a bedengel a kerrekar el kall a rdechel.

riamel: (ri`amel) (2)
riamel a ta er a bedengel a ngikel.

ribareb: (rib`areb) (1)
ribareb a berrotel e melai; merechorech, riberebii a udoud, ribareb a kall; riberebel.

ribareb: (rib`areb) (2)
ribareb a bulak el chad.

ribereball: (ribereb`all)
ribereball a omdasu a merebareb; riberebii a idbengel a merau; merechorech.

riberebel: (ribereb`el)
riberebel a omerebareb er ngii; ribareb.

riberebii: (ribereb`ii)
riberebii a merebareb er ngii; ngii di longedecheduch.

ribkungel: (ribk`ungel)
ribkungel a ta er a bedengel a kim.

ridekekill: (ridekek`ill)
ridekekill a diak le cheroid; sebechel el merdekekl.

ridekekl: (ridek`ekl)
ridekekl a merdekekl; suchesokl; melechesokl, ridekeklii a cheroid, ridekekl er a cheldukl.

ridekekkel: (ridekek`el)
ridekekkel a omerdekekl er ngii; merdekekl.

ridekeklii: (ridekek`ii)
ridekeklii a merdekekl er ngii.

ridel: (rid`el) (1)
ridel a riid er ngii; remiid; ridel a chad er a daob.

ridel: (rid`el) (2)
ridel a omeroid er ngii el chad; meroid a mesebek.

ridmii: (ridm`ii)
ridmii a meridm er ngii; ridmii a tuu.

riedang: (ried`ang)
riedang a mla remiid; dibus.

riedung: (ried`ung)
riedung a merolung; kmeed el remiid.

riekii: (riek`ii)
riekii a meriik er ngii el mekesokes.

riemel: (riem`el)
riemel a omeriim er ngii; melai klolekl e merael.

riemii: (riem`ii)
riemii a meriim er ngii; ngmai a klalo el mo diak; riemii a blai, ruiim.

riid: (r`iid)
riid a remiid; mo dibus; belsechel a riid.

rikarek: (rik`arek)
rikarek a kolekel; keberruul el remurt; rengeasek a mla rikarek el mo er a kurangd.

riked: (r`iked)
riked a meriked; imiis el mechesang; riked er a blai me a rengalek, riked er a urreor.

rikel: (rik`el)
rikel a omeriik er ngii; meriik.





rikl

rikl: (*r`ikl*)

rikl a merikl; bekeu el chad, diak a besebes er a medal; merechereched; mekekeam.

ringel: (*r`ingel*)

ringel a meringel; oberoed el tekoi; ringel er a urreor; ringelel a uldasu.

ringelel: (*ringel`el*)

ringelel a ringel er ngii; meringel.

ringetall: (*ringet`all*)

ringetall a kirel el meringet; ringetii a chemelel; reminget a kelel.

ringetel: (*ringet`el*)

ringetel a omeringet er ngii; meringet.

ringetii: (*ringet`ii*)

ringetii a meringet er ngii.

riokel: (*ri`okel*)

riokel a kirel el meriik; besbas a riokel; riekii a blai; remiik a besbas; rikel a rael.

riomel: (*ri`omel*)

riomel a kirel el meriim; kloleklel a riomel, riemii, reuiim; ngmai el rokui el otobed; riemel.

rir: (*r`ir*)

rir a merir; llel a kerrekar el mochu merat a rir; ourir.

ririau: (*riri`au*)

ririau a meririau; oreked e melmesim el mo e mei; meririau er a iedel; ririul.

ririul: (*riri`ul*)

ririul a omeririau er ngii; meririau.

ririur: (*riri`ur*)

ririur a meririau er ngii.

ririuul: (*riri`uul*)

ririuul a kirel el meririau; berikd el iedel a ririuul; ririur me ng ruebet a rdechel.

riks: (*r`irs*)

riks a ta er a bedengel a kerrekar.

risel: (*ris`el*)

risel a rais er ngii; ollemelel.

riseuel: (*rise`uel*)

riseuel a omeriso er ngii; meriso.

riseuui: (*rise`uui*)

riseuui a meriso er ngii.

risois: (*ris`ois*)

risois a meklou el cherrungel el bad.

riueruall: (*riueru`all*)

riueruall a kirel el meruoru, msa eolt; riueruui a smecher; riueruul.

riueruul: (*riueru`el*)

riueruul a omeruoru er ngii; meruoru.

riueruui: (*riueru`ii*)

riueruui a meruoru er ngii.

riuoru: (*riuor`u*)

riuoru a meruoru.

roall: (*ro`all*)

roall a ta er a bedengel a suebek el charm.

robai: (*rob`ai*)

robai a mengoit; dengerenger a di robai a llach me a kelebus e olterau a meknigil el kar.

robekakl: (*robek`akl*)

robekakl a suebek e ridekekl el reboreb; malk a mla robekakl er a rachel; rebekeklel.

robekii: (*robek`ii*)

robekii a merebek er ngii; robekii a ochab el oba biskang.

roberbekii: (*roberbek`ii*)

roberbekii a mereberebek er ngii, meiko e di roberbekii a blai; reberebekel.

roberebek: (*rober`ebek*)

roberebek a mereberebek; diak el omes e merutech; miko a meduch el roberebek a klalo.

robetang: (*robet`ang*)

robetang a mla ruebet; rebetel.

robetung: (*robet`ung*)

robetung kmeed el ruebet; robetung er a skoki.

rochur: (*roch`ur*)

rochur a merech er ngii; osiik a roel; mo blil a smecher.

rodechii: (*rodech`ii*)

rodechii a merodech er ngii el temekai.





- rodelii: (rodel`ii)**
rodelii a merodel er ngii el tolochoi.
- rodemii: (rodem`ii)**
rodemii a meredem er ngii el biskang.
- roderd: (rod`erd)**
roderd a mesarech; merderd, mla roderd a dellomel; rderdel.
- roderdii: (roderd`ii)**
roderdii a merderd er ngii; mesarech.
- rodir: (rod`ir)**
rodir a merad er ngii; rodir; mengais, remad a kar.
- roech: (r`oech) (1)**
roech a rou; rongel a sils, ngau; roech er a sils a tmuu er a tuangel.
- roech: (r`oech) (2)**
roech a ta er a bedengel a ngikel.
- roirisii: (roiris`ii)**
roirisii a merirais er ngii; mengisois, roirisii a idungel.
- Rois: (r`ois) (1)**
Rois a chimo er a rengedel a beluu er a Ngeaur.
- rois: (r`ois) (2)**
rois a metongakl e kedadai el chutem me a risois; Roisersuul.
- Roischesar: (roisches`ar)**
Roischesar a rois er a Ngchesar.
- rokir: (rok`ir)**
rokir a merekui er ngii; churrengelii; beluu el rokir a mong.
- rokui: (rok`ui)**
rokui a rebek el chad; rokui el ngalek; ngerachel el rokui a skulir.
- rolel: (rol`el)**
rolel a rael er ngii.
- romechii: (romech`ii)**
romechii a meremech er ngii; ruemech el oltobed a disech; remechel.
- rometii: (romet`ii)**
rometii a meremet er ngii.
- romur: (rom`ur)**
romur a meram er ngii.
- rongedii: (ronged`ii)**
rongedii a merenged, melechet.
- rongel: (rong`el)**
rongel a rou er ngii; dichel.
- rongesang: (ronges`ang)**
rongesang a kekedel e ak mocha medengei; rongesii, remenges.
- rongesii: (ronges`ii)**
rongesii a orrenges er ngii.
- rooklel: (rookl`el)**
rooklel a roakl er ngii; merroakl.
- rooklii: (rookl`ii)**
rooklii a merroakl er ngii.
- roro: (ror`o)**
roro a ta er a bedengel a kerrekar.
- rosmii: (rosm`ii)**
rosmii a merasm er ngii el bail.
- rosngang: (rosng`ang)**
rosngang a mla remos.
- rosngung: (rosng`ung)**
rosngung a kmeed el remos; remos kung.
- rotengii: (roteng`ii)**
rotengii a merot er ngii.
- roterot: (rote`ot)**
roterot a betok el omerot; merot, roterot a chimal, merterot, rotertengii.
- rotertengii: (roterteng`ii)**
rotertengii a merterot er ngii; merot.
- rou: (r`ou)**
rou a diich; dichel a sils a omororou, brorou; rongel a sils.
- rouar: (rou`ar)**
rouar a meruu er ngii; rouar a lius.
- roudii: (roud`ii)**
roudii a meraud er ngii; melemosem a chelais, roudii a oruikl; rudel.
- roukang: (rouk`ang)**
roukang a mla mo remouk; medekdang; rouka er ngii.
- roureur: (roure`ur)**
roureur a mla obriid; sokedii, mekelekeli a beluu; kmal betok el berriid.





rourous

rourous: (*rour`ous*)

rourous a merurous; betok el rrous; omibii, rourous a udoud, merous.

rourusii: (*rourus`ii*)

rourusii a merurous er ngii el babii.

rousii: (*rous`ii*)

rousii a merous er ngii, omii er a ngii; remous, rusel.

rrach: (*rr`ach*)

rrach a klaokedong er a chebechiil; me a klausechelei; rrach, e rrang.

rrad: (*rr`ad*)

rrad a mla merad; nglai a kebui a remad, redil a kebui.

rrael: (*rr`ael*)

rrael a mla remolii; beches el rael a rrael, ki mla merael er ngii.

rrai: (*rr`ai*) (1)

rrai a ta er a bedengel a ngikel.

rrai: (*rr`ai*) (2)

rrai a ngar eou; ert a rrai er eou er a rumk.

Rrai: (*rr`ai*) (3)

rrai a ngklel a beluu er a Ngersuul.

rrakl: (*rr`akl*)

rrakl a nglakr; nglai er a olekang; mla mengakr; ngokrii, ngkrel a ngeliokl el kukau.

rram: (*rr`am*)

rram a urrachem; mla meram; rram a uldekdak; rram a beras er a odoim, romur, ruam, remul.

rrasm: (*rr`asm*)

rrasm a mla merasm; bilel a rrasn a rrekui; rosmii, ruasm.

rrat: (*rr`at*)

rrat a eru a ochil el mlai er a beluu.

rrau: (*rr`au*)

rrau a mechedeng a rengul; rrau a rengul a diak ludesuii a ngerang.

rraud: (*rr`aud*)

rraud a mla mesemosem; roudii a chelais, remaud, chelasel a rraud, rudel.

rraureng: (*rr`aureng*)

rraureng a rrau a rengul; rraureng er ngii a uchul me ng di dechor; mechedeng a rengul.

rrebek: (*rr`ebek*)

rrebek a mla merebek; mla robekii a ochab el oba biskang.

rrech: (*rr`ech*)

rrech a kldmokl; mla mudasu; mla merech a roel a blengur; mlil a omerael a rrech; rechul.

rrchorech: (*rr`ech`orech*)

rrchorech a nglai; mla merechorech a udoud, rucherechii a mlai; recherechel.

rrdekeklel: (*rr`dekekl`el*)

rrdekeklel a ngii a rirdekeklii; mlerdekekl er ngii.

rrdellel: (*rr`dell`el*)

rrdellel a ngalek el ngii a rirdelii.

rrredem: (*rr`edem*)

rrredem a ngar ngii a ordemelel; mla meredem; rredomel; osib a rredem.

rrredemelel: (*rr`edemelel*) (1)

rrredemelel a tekoi el ngii a meduch; sebechel el meruul; diak a rredemelel a omerreder.

rrredemelel: (*rr`edemelel*) (2)

rrredemelel a ngii a rirdemii; rredemelel el oles.

rrrederad: (*rr`ederad*)

rrrederad a betok el kakerous; rrederad el kall; omerael a rrederad a rechedal.

rrrederd: (*rr`erderd*)

rrrederd a mla merderd; selarech, dellomel a rrederd er a mlai; roderd, rderdel a dellomel.

rrredomel: (*rr`omel*)

rrredomel a rredem.

rrreklel: (*rr`eklel*)

rrreklel a ruukl er ngii; rruukl er a bilas; tkul a bilas.

rrrekui: (*rr`ek`ui*)

rrrekui a mla merrekui; blai a rrekui a urrerel; mla mo merrek; rekil.



**rrellel: (rr`elel)**

rrellel a ngii a rirellii; riruul, ungil
a rrellel el chad.

rremech: (rr`emech)

rremech a ulseos; mla meremech
lius a rremech, nglai a disech,
romechii, ruemech, remechel.

rremet: (rr`emet)

rremet a rremotel; mla meremet el
modak er a disech; rremetel a brak,
rometii, ruemet, remetel.

rrenged: (rr`enged)

rrenged a rrengodel; llechet, mla
merenged; ebakl a rrenged.

rrengodel: (rreng`odel) (1)

rrengodel a rrenged.

rrengodel: (rreng`odel) (2)

rrengodel a blai; ngar er ngii a blii;
kiei er a rrengodel.

rrenguus: (rreng`uus)

rrenguus a chelilt er a cheluch; mla
merenguus; rrenguus a bdelul,
rungsii, runguus, rengsel.

rresiil: (rres`iil)

rresill a di oba er a bab kung;
kengbokl el chad a di loba er a
rresiil.

rresimel: (rres`imel)

rresimel a rrasm.

rretel: (rr`etel)

rretel a klisichel a rurt er ngii;
medakd a rretel a mlai.

rreterot: (rr`eterot)

rretrot a mla merterot; betok el
rrot, roterot, rotengii,
rtengel.

rreterutech: (rreter`utech)

rreterutech a betok el omerutech
mla rutechii el kmal betok;
merterutech a bedengel.

rreuikl: (rr`euikl)

rreuikl a mla meorus; mla obii;
bliongel, rrukkel a mechas el
babii; blingelel.

rridm: (rr`idm)

rridm a rredimel; mla meridem;
nglai a tuu; tuu a rridm.

rriik: (rr`iik)

rriik a kliut; mla meriik;
mekesokes a rriik, riekii, remiik.

rriil: (rr`iil)

rriil a kederang; chelechol.

rriim: (rr`iim)

rriim a nglai; mla meriim; riemii a
blai me ng diak a klalo; ruim a
kall.

rrimel: (rrimel`el)

rrimel a rriomel el ngii a
merriim.

rringet: (rr`inget)

rringet a mla meringet; keel a
rringet, ringetii, reminget.

rriomel: (rri`omel)

rriomel a klalo el ngii a meriim;
klalo el mlengai a rriomel;
rrimel.

rririau: (rriri`au)

rririau a mla meririau er ngii; iedel
a rririau me ng mla ruebet a rdechel.

rriso: (rris`o)

rriso a nglatech er a ralm; mla
meriso; ngikel a rriso; remis, o,
rseuel.

rriu: (rr`iu)

rriu a ta er a bedengel a kerrekar.

rroakl: (rr`oakl)

rroakl a merroakl; rekerukem;
rokkel a belatong me a olekang.

rrodech: (rr`odech)

rrodech a mla merodech; rodechii
mla medangch.

rrod: (rr`odel)

rrod a mlengai el mo ngelekel a
ngodech; mla merodel; rirdelii,
rrod el ngalek.

rrom: (rr`om)

rrom a ta er a bedengel a ilumel el
mengetelaol; rrom a omolim e ng
chotelolau; ongetelaol el ilumel.

rrot: (rr`ot)

rrot a mla merot; bilis a rrot er a
mlai, rotengii, motilech; rtengel.

rroueklel: (rr`oueklel)

rroueklel a rroakl er ngii.





rrous

rrous: (rr`ous)

rrous a blii; mla merous; mii a kall er a kemeldiil; kall a rrous.

rrual: (rr`ual)

rrual a rruu er ngii; bleketelel el udoud; ngar er a rruu el omechar er a babii.

rruikl: (rr`uikl)

rruikl a mla merous; kall er a klobak a rruikl; rrukkel.

rrukem: (rr`ukem) (1)

rrukem a mla merukem; bachel a rrukem er a \$1,000.00, rukemii, ruukem; rekemel.

rrukem: (rr`ukem) (2)

rrukem a bleu; bekai a rrukem; rrukem a tkul

rrukl: (rr`ukl)

rrukl a bita me a bitang er a mlai me a bilas.

rrukkel: (rr`uklel)

rrukkel a rruikl er ngii; blingelel.

rroll: (rr`ull)

rroll a ta er a bedengel a charm er a chei.

rrulluriul: (rullur`iul)

rrulluriul a ta er a bedengel a chedeng.

rrumes: (rr`umes)

rrumes a chelsuches; mla merumes; kukau a rrumes, rumesii, ruumes.

rruoru: (rr`uoru)

rruoru a chelluut er a eolt; mla meruoru; riueruui a smecher, riuoru, riueruul a smecher.

rrurous: (rr`urous)

rrurous a mla merurous; obibii; babii a rrurous, rourusii, remurous.

rrurt: (rr`urt)

rrurt a mla merurt; mla rurtii a beluu, kurangd a rrurt er a rengeasek.

rrus: (rr`us)

rrus a mla merus; rrus a ulkel er a oles; rusur, remus, rsul a ulk.

rrusech: (rr`usech) (1)

rrusech a cheled el ko er a btuch el menga klengar er a bad er a chei.

rrusech: (rr`usech) (2)

rrusech a mla merusech; remusech a kukau el mo belsiich; rusechii, rsechel; cherrad.

rrutech: (rr`utech)

rrutech a mla merutech; loia chimal er ngii; rutechii, remutech.

rruu: (rr`uu) (1)

rruu a mla remuu; miich a rruu; nglai el rokui; rouar, remuu, rual.

rruu: (rr`uu) (2)

rruu a blekatel; beketel a udoud; \$10.00 a rrual er a cheral a babii.

rruul: (rr`uul)

rruul a kldmokl; mla meruul; rrekui, blai a rruul, rullii, remuul.

rsachel: (rs`achel)

rsachel a kirel el merusech; kukau a rsachel; remusech a belsiich.

rsaol: (rs`aol) (1)

rsaol a delongelel a ngeraol me a meched.

rsaol: (rs`aol) (2)

rsaol a kirel merus; smecher a rsaol; rsul a smecher.

rsechel: (rsech`el)

rsechel a rasech er ngii.

rsel: (rs`el)

rsel a ullebongel er ngii; rsel a bambuu; rsel a dui.

rsersel: (rsers`el)

rsersel a rusors er ngii er a daob.

rsersuul: (rsers`uul)

rsersuul a rengul a meringel el omdasu; merus er a rengul; rsersuul a rengul er a mo er a skuul me a mo ourreor.

rseuel: (rseu`el)

rseuel a omeriso er ngii; meriso; rseuel a chim.

rsochel: (rs`ochel)

rsochel a betok a rasech er a bedengel; rsechel.



**rsool:** (*rs`ool*)

rsool a kirel meriso; chim a rsool er a uchei er a blengur; risouii, remis.

rsuul: (*rs`uul*) (1)

rsuul a kirel el merus; ngikel a rsuul, rusur, remus; rsaol.

rsuul: (*rs`uul*) (2)

rsuul a udesuall; kirel el metib; okdecherul a bai a rsuul er a klobak.

rtachel: (*rt`achel*)

rtachel a mo rutechii; kirel el merutech; delenguchel a rtachel er a rurt; rutechii; rtechel.

rtangel: (*rt`angel*)

rtangel a kirel el merot; medal a biskang a rtangel, rotengii, remot.

Rteluul: (*rtel`uul*)

Rteluul a chuodel el ngklel a Mengellaki; Ngerechelong.

rtengel: (*rteng`el*)

rtengel a omerot er ngii; merot.

rtertiil: (*rtert`iil*)

rtertiil a ta er a bedengel a emull.

rtochel: (*rt`ochel*)

rtochel a delongelel a chab me a ulaol; bita er a chab er a blaibelau.

rtuchel: (*rt`uchel*)

rtuchel a rtachel.

rtul: (*rt`ul*)

rtul a rat er ngii; rtul a kerrekar; merat.

ruabs: (*ru`abs*)

ruabs a rusors ; ruebet er a chelsel a daob; mla a mla ruabs; dibus, urrabs; rebsel.

ruam: (*ru`am*)

ruam a meram; omrachim a kakerous; ruam a beras er a odoim; romur; remul a kall.

ruames: (*ru`ames*)

ruames a rames; remesel.

ruaol: (*ru`aol*)

ruaol a kirel el meruu; lius a ruaol, rouar, remuu.

ruasm: (*ru`asm*)

ruasm a merasm; mla ruasm a bail.

rubak: (*rub`ak*)

rubak a chuodel el sechal; telechull a kebekuul a rubak; ngeasek e telechull a dui a rubak.

rubeang: (*rube`ang*)

rubeang a ta er a bedengel a tuu.

rubekengel: (*rubekeng`el*)

rubekengel a rubak er ngii.

rubekul: (*rubek`ul*) (1)

rubekul a merreder a beluu; rubekengel a beluu.

rubekul: (*rubek`ul*) (2)

rubekul a meklou er ngii el sechal.

ruchad: (*ruch`ad*)

ruchad a ochad, sechal me a redil el ngalektang; ruchad a kauchad.

ruchel: (*ruch`el*)

ruchel a rechelid.

ruchellel: (*ruch`ellel*)

ruchellel a mekekerei er ngii el sechal.

rucherechii: (*rucherech`ii*)

rucherechii a merechorech er ngii; mla rucherechii a idib.

ruchorech: (*ruch`orech*) (1)

ruchorech a meeleb, ngobeet er a daob; mo er a eou; ert a mla ruchorech.

ruchorech: (*ruch`orech*) (2)

ruchorech a mla ngmai a diak le kloleklel; merechorech; mla ruchorech a udoud; rucherechii, recherechel.

rudam: (*rud`am*)

rudam a odam; kauchad el sechal.

rudel: (*r`udel*)

rudel a ta er a bedengel a cheled.

rudos: (*rud`os*)

rudos a odos; kauchad el redil.


ruebek: (*ru`ebek*)

ruebek a merebek; merebek a ngduul el olab a uach; robekii, rebekel.

ruebet: (*ru`ebet*)

ruebet a ngar er a bab e mei metilech er a eou; ruebet er a kerrekar.





ruedem

ruedem: (*ru`edem*)

ruedem a meredem; mla ruedem a madeldirek er ngii; rdemel.

ruemech: (*ru`emech*)

ruemech a meremech; mla ruemech a lius.

ruemet: (*ru`emet*)

ruemet a meremet; mla ruemet a belsiich el brak; rometii, remetel.

ruetuu: (*ruet`uu*)

ruetuu a ta er a bedengel a rrull.

ruidm: (*ru`idm*)

ruidm a meridm; mla ruidm a betok el tuu, ridmii., rdmel.

ruiim: (*ru`iim*)

ruiim a ngmai a klalo el rokui; meriim a klalo; riemii a blai, rimelel.

ruikl: (*ru`ikl*)

ruikl a biongel; kirel el merous; rusel a kall; ruikl er a beluu.

Ruk: (*r`uk*) (1)

Ruk a ta er a beluu er a F.S.M. Chuuk.

ruk: (*r`uk*) (2)

ruk a ta er a bedengel a ngloik; nglikir a rsechal.

rukel: (*ruk`el*)

rukel a rouk er ngii; remouk, medakd.

rukemii: (*rukem`ii*)

rukemii a merukem er ngii el mo mekekerei; merrakl er ngii.

rukui: (*ruk`ui*)

rukui a merekui; okngemed; mo merek; mla kma a kall el rukui e mo milil; rukui a urrerel.

rulel: (*ru`el*)

rulel a ruul er ngii; klekedall er a omenged.

rullii: (*rull`ii*)

rullii a meruul er ngii.

rumesii: (*rumes`ii*)

rumesii a mla merumes er ngii.

rumkang: (*rumk`ang*)

rumkang a mla mo ruumk; ert a rumkang er a rechad.

rungalek: (*rung`alek*)

rungalek a okedong er a ngelekel; e rungalek.

rungsii: (*rungs`ii*)

rungsii a merenguus er ngii.

runguus: (*rung`uus*)

runguus a okngemed; debteb el ngalek a mla runguus a tiel; mla omngemed a kirel el mo ududel a le mad a demal.

ruoll: (*ru`oll*)

ruoll a kedmekill; kirel el meruul; kles a ruoll, rullii, remuul.

rur: (*r`ur*) (1)

rur a merur; rrengel er a recherechel; seked; titmekl.

rur: (*r`ur*) (2)

rur a ta er a bedengel a kerrekar.

rureu: (*rur`eu*)

rureu a dibus; ng mla er tia e mla mo rureu; rureulngau.

rureulngau: (*rureulng`au*)

rureulngau a dibus; diak a medengelii el kmo ng mlo er ker; mla mo rureu.

rurout: (*rur`out*)

rurout a dellomel er a chei; olemed.

rurt: (*r`urt*)

rurt a remurt; diak lorael, kolekel; klaidesachel er a rurt, rurtii, rretel.

rurtang: (*rurt`ang*)

rurtang a mocha remurt; kolekelang.

rurtii: (*rurt`ii*)

rurtii a remurt er ngii; mla rurtii a cheroid.

rurtung: (*rurt`ung*)

rurtung a mochu remurt; kolekelung.

rurutong: (*rurut`ong*)

rurutong a beketekoi; remorem a ngerel; oltochedechad er a omelekoi; alii a rurutong a meremang.

rusall: (*rus`all*)

rusall a reuikl; biongel, kirel merous.



rusechii: (rusech`ii)

rusechii a merusech er ngii el kukau.

rusel: (rus`el)

rusel a omerous er ngii; rusel a kall.

rusersang: (rusers`ang)

rusersang a omerollel el rusors.

rusors: (rus`ors)

rusors a ngobeet; ngar er a chelsel a daob, orresors, rusersang.

rusur: (ru`ur)

rusur a merus er ngii.

rutechii: (rutech`ii)

rutechii a merutech er ngii.

ruterutech: (ruter`utech)

ruterutech a betok el omerutech; ruterutech a oacher e diak a ududek; merterutech.

ruukem: (r`uukem)

ruukem a merukem; merau a mla ruukem a betok el bachel.

ruul: (r`uul)

ruul a klekedall er a omengesokes; merart a ruul el llel a lius.

ruumes: (r`uums)

ruumes a merumes; mla ruumes a kukau, rumesii.


ruumk: (r`uumk)

ruumk a klou a uleklool er ngii; obereod, ert a ruumk er a betok el beras; oremkii, remkel.



rusechli: (rusch'ji)
 rusechli a metusch er ngli el
 kulan.
 rusei: (rus'ei)
 rusei a omerous er ngli; rusei a
 kall.
 ruserang: (ruser'ang)
 ruserang a omerollel el ruser.
 ruseri: (rus'ori)
 ruseri a ngobeet; ngat er a chesel
 a daob, omerori, ruserang.
 ruser: (ru'ur)
 ruser a menus er ngli.
 rutechli: (rutech'li)
 rutechli a metusch er ngli.
 ruterutech: (ruter'utech)
 ruterutech a betok el omerutech;
 ruterutech a ocher e diak a
 udubek; merutech.
 rukem: (ru'kem)
 rukem a merukem; meru a rila
 rukem a betok el bachel.
 ruul: (ru'ul)
 ruul a kleeball er a omergesoke;
 merat a ruul el liel a ius.
 ruumes: (ru'umes)
 ruumes a merumes; rila ruumes a
 kulan, ruumesii.
 ruumk: (ru'umk)
 ruumk a kluu a ulebool er ngli;
 oboerob, et a ruumk er a betok el
 beraz; otemkli, temkel.





- sab:** (*s`ab*)
sab a ta er a bedengel a uked er a ngikel; ousab a omuked.
- sabau:** (*sab`au*)
sabau a ta er a bedengel a omelengoes el kall, sabau el babii, sabau el mais, sabau el tuu.
- Saibal:** (*Saib`al*)
Saibal a beluu er a Marialas.
- saider:** (*s`aider*)
saider a oles er a klakoad.
- saik:** (*s`aik*)
saik a mesaik; chetil a urreor, saik el reng, saik a uchul a chelebuul; sikel.
- saikelreng:** (*saikelr`eng*)
saikelreng a mesaik a rengul; sikel.
- saing:** (*sa`ing*)
saing a llechukl el ngakl el ulsisel a klemerang er a telbiil.
- sakd:** (*s`akd*)
sakd a mesakd; odak a betok e mechull, sekdel a brer; seksakd el chad a diak el ultebechel er a ta el tekoi; mesakd a chebechiil;.smakd a urreor; sekdel.
- saker:** (*s`aker*)
saker a ngkedel a taut; blals, ngkedel a sechal el merechorech er a bechiil el dil; sechal el tmaut er a ta er a sechal a melecha saker; ousaker, sekerel.
- sako:** (*sak`o*)
sako a eoulbeluu er a sechal; uchauch; sekouel, uchuchel.
- sall:** (*s`all*)
sall a hall; msall; mongiiil el telkib; sall e kdu cheldechedeck e molekoi kung.
- samk:** (*s`amk*)
samk a rais el ngar a budel a chemadech el kukau el orreked er a kukau me ngar a chutem.
- sang:** (*s`ang*) (1)
sang a ta er a bedengel a cheled.
- sang:** (*s`ang*) (2)
sang a chad el soal a ngii di el tekoi; soal a sang; sang a medal el soiseb er a diak el kirel; sang a medal el oltitech a meseked.
- Sangdei:** (*S`angdei*) (1)
Sangdei a ongeuid el sils er a ta el sangdei; ulengull el sils.
- sangdei:** (*s`angdei*) (2) (rrodel)
sangdei a uldekial a euid el sils; kot el urreor el mo er a Sangdei a ta el sangdei.
- sangdiang:** (*sangdi`ang*)
sangdiang a meklou el rodech el ungil kall; semengkang
- sangralm:** (*sangr`alm*)
sangralm a chutem el soal el delelualu a ralm er ngii; blai el ralm.
- sar:** (*s`ar*) (1)
sar a mecherocher el meruul a telemtam; omsar a kall; mserengii a klengoes.
- sar:** (*s`ar*) (2)
sar a remechas el chelebangel er a bldokel; rdil el iliuekl er a uleload.
- sau:** (*s`au*) (1)
sau a ta er a bedengel a emull el ungil a bul.
- sau:** (*s`au*) (2)
sau a soal; kausau a reng, ongel,,smau.
- sau:** (*s`au*) (3)
sau a omsau el olekeed; mseur a rachel; msau a llet a tuu; useul.
- saul:** (*s`aul*) (1)
saul a mesaul; mesengird er a urreor; olengoech a bedengel; mesaul a rengul, mesaul a bedengel; mad er a saul.





saul

saul: (*s`aul*) (2)

saul a ungil el omeruul; mesaul, mesulang; omereng el saul, sulel.

sauluai: (*saulu`ai*)

sauluai a ileakl el dil el meruul a kelel a meteet me a meang; sauluai a merad a kar.

saur: (*s`aur*)

saur a klalo el mesaur; melechet, besebes a saur; cheldechcheduch a saur, sourii a chad, surel.

saus: (*s`aus*)

saus a teua el merreder er a beluu; bek el beluu a ousaus; euang a saus er a chimo el beluu, saus er a blai, bai.

sausab: (*saus`ab*)

sausab a ta er a bedengel a kerrekar el kall a rdechel.

sausebengel: (*sausebeng`el*)

sausebengel a sausab er ngii.

sbachel: (*sb`achel*)

sbachel a kirel el mesubech, kirel el mengai; brak a sbachel, subechii, suubech, sbechel a brak.

sbadel: (*sb`adel*) (1)

sbadel a kirel el mesubed; beluu a sbadel er a urreor; subedii a beluu, sbedel a urreor.

sbadel: (*sb`adel*) (2)

sbadel a mesubed a ilaot; melenges a mesubed a ilaot a lsueleb; oldingel.

sbadel: (*sb`adel*) (3)

sbadel a sisebellet a ngikel er a bub; tuangel; sbedelet.

sbalo: (*sb`alo*)

sbalo a sualo; oruikl el blil a kall, klalo.

sbechel: (*sbech`el*)

sbechel a omesibeche er ngii; sibecheii.

sbedall: (*sbed`all*)

sbedall a sbadel.

sbedel: (*sbed`el*)

sbedel a subed er ngii; mesubed.

sbedelel: (*sbedel`el*)

sbedelel a sbadel er ngii el bub.

sbekekl: (*sbekekl`ekl*)

sbekekl a omkais er a chesimer; mlad er a sbekekl; diak a mo odngelii me ng mad er a sengerenger.

sbesel: (*sb`esel*)

sbesel a suibes; oumedeel; oumeder, betok a sbesel a kall; derengel.

sbochel: (*sb`ochel*)

sbochel a kirel el mesibeche; mengai el mei er eou; rechelel a iedel a sbochel, sibecheii, suibeche a rachel, sbechelel.

sbukl: (*sb`ukl*) (1)

sbukl a sebsall; kirel el mesubs, bung a sbukl, subsii, suubs er a ralm, sebsel.

sbukl: (*sb`ukl*) (2)

sbukl a chad el mad er a deleuill er a mekemad e merael a klaiberober er ngii.

sbul: (*sb`ul*)

sbul a omesib er ngii; mesib.

sbuul: (*sb`uul*)

sbuul a kirel el mesib; sers a sbuul, sibur, suib a cheleliuis, sbul.

Sebadong: (*sebad`ong*) (rrodel)

Sebadong a ongelolem el sils er a ta el sangdei.

Sebangiol: (*sebangi`ol*)

Sebangiol a beluu er a Europe.

sebechall: (*sebech`all*) (1)

sebechall a kirel el mesebeche; ngar a ungil telkael; sobecheii, suebeche a kall.

sebechall: (*sebech`all*) (2)

sebechall a kirel el mesebeche; melasem sobecheii a bilel; suebeche a sebechel a oecherel.

sebechekill: (*sebechek`ill*)

sebechekill a kirel el mesebechakl, sobechekllii, odesebii, ngoseuir, buik a sebechekill, sebecheklel.

sebecheklel: (*sebechekl`el*)

sebecheklel a omesebechakl er ngii; mesebechakl.

